



Comhairle an
Aontais Eorpaigh

An Bhruiséil, 22 Samhain 2024
(OR. en)

15267/24

Comhad Idirinstitiúideach:
2024/0247(NLE)

FISC 214
ECOFIN 1258

GNÍOMHARTHA REACTACHA AGUS IONSTRAIMÍ EILE

Ábhar: CINNEADH CUR CHUN FEIDHME ÓN gCOMHAIRLE lena leasaítear Cinneadh Cur Chun Feidhme 2009/1013/AE lena n údaraítear do Phoblacht na hOstaire leanúint de bheart a chur i bhfeidhm de mhaolú ar Airteagail 168 agus 168a de Threoir 2006/112/CE maidir leis an gcomhchóras cánach breisluacha

CINNEADH CUR CHUN FEIDHME (AE) ÓN gCOMHAIRLE 2024/...

an ...

**lena leasaítear Cinneadh Cur Chun Feidhme 2009/1013/AE
lena n-údaráítear Poblacht na hOstaire leanúint de bheart a chur i bhfeidhm
de mhaolú ar Airteagail 168 agus 168a
de Threoir 2006/112/CE maidir leis an gcomhchóras cánach breisluacha**

TÁ COMHAIRLE AN AONTAIS EORPAIGH,

Ag féachaint don Chonradh ar Fheidhmiú an Aontais Eorpaigh,

Ag féachaint do Threoir 2006/112/CE ón gComhairle an 28 Samhain 2006 maidir leis an gcomhchóras cánach breisluacha¹, agus go háirithe Airteagal 395(1), an chéad fhomhír, de,

Ag féachaint don togra ón gCoimisiún Eorpach,

¹ IO L 347, 11.12.2006, lch. 1.

De bharr an mhéid seo a leanas:

- (1) Le hAirteagail 168 agus 168a de Threoir 2006/112/CE, rialaítear ceart na ndaoine inchánacha an cháin bhreisluacha (CBL) a ghearrtar ar sholáthairtí earraí agus seirbhísí a úsáideann siad chun críocha a n-idirbheart cáinmhuirearaithe a asbhaint. Údaraíodh an Ostair beart speisialta a thabhairt isteach lena mbeartaítear CBL a iompraítear ar earraí agus ar sheirbhísí a eisiamh go hiomlán ón gceart asbhainte i gcás ina n-úsáideann daoine inchánacha na hearraí agus na seirbhísí sin le haghaidh níos mó ná 90 % dá gcríocha príobháideacha nó chun críocha a bhfostaithe, nó go ginearálta chun críocha neamhghnó nó gníomhaíochtaí neamheacnamaíocha ('an beart speisialta').

- (2) Le Cinneadh Cur Chun Feidhme 2009/1013/AE ón gComhairle², údaraíodh an Ostair leanúint de bheart speisialta a chur i bhfeidhm, de mhaolú ar Airteagal 168 de Threoir 2006/112/CE, go dtí an 1 Eanáir 2013. Le Cinneadh Cur Chun Feidhme 2012/705/AE ón gComhairle³, leasaíodh Cinneadh Cur Chun Feidhme 2009/1013/AE, lenar údaraíodh an Ostair an beart speisialta a chur i bhfeidhm, de mhaolú ar Airteagail 168 agus 168a de Threoir 2006/112/CE, go dtí an 31 Nollaig 2015. Cuireadh síneadh leis an údarú sin ina dhiaidh sin le Cinntí Cur Chun Feidhme (AE) 2015/2428⁴, (AE) 2018/1487⁵ agus (AE) 2021/1779⁶ ón gComhairle.

² Cinneadh Cur Chun Feidhme 2009/1013/AE ón gComhairle an 22 Nollaig 2009 lena n-údaraítear Poblacht na hOstaire leanúint de bheart a chur i bhfeidhm de mhaolú ar Airteagal 168 agus 168a de Threoir 2006/112/CE maidir leis an gcomhchóras cánach breisluacha (IO L 348, 29.12.2009, lch. 21).

³ Cinneadh Cur Chun Feidhme 2012/705/AE ón gComhairle an 13 Samhain 2012 lena leasaítear Cinneadh 2009/791/CE agus Cinneadh Cur Chun Feidhme 2009/1013/AE lena n-údaraítear an Ghearmáin agus an Ostair faoi seach leanúint de bheart a chur i bhfeidhm de mhaolú ar Airteagail 168 agus 168a de Threoir 2006/112/CE maidir leis an gcomhchóras cánach breisluacha (IO L 319, 16.11.2012, lch. 8).

⁴ Cinneadh Cur Chun Feidhme (AE) 2015/2428 ón gComhairle an 10 Nollaig 2015 lena leasaítear Cinneadh 2009/791/CE agus Cinneadh Cur Chun Feidhme 2009/1013/AE lena n-údaraítear an Ghearmáin agus an Ostair faoi seach leanúint de bheart a chur i bhfeidhm de mhaolú ar Airteagail 168 agus 168a de Threoir 2006/112/CE maidir leis an gcomhchóras cánach breisluacha (IO L 334, 22.12.2015, lch. 12).

⁵ Cinneadh Cur Chun Feidhme (AE) 2018/1487 ón gComhairle an 2 Deireadh Fómhair 2018 lena leasaítear Cinneadh Cur Chun Feidhme 2009/1013/AE lena n-údaraítear Poblacht na hOstaire leanúint de bheart a chur i bhfeidhm de mhaolú ar Airteagail 168 agus 168a de Threoir 2006/112/CE maidir leis an gcomhchóras cánach breisluacha (IO L 251, 5.10.2018, lch. 33).

⁶ Cinneadh Cur Chun Feidhme (AE) 2021/1779 ón gComhairle an 5 Deireadh Fómhair 2021 lena leasaítear Cinneadh Cur Chun Feidhme 2009/1013/AE lena n-údaraítear Poblacht na hOstaire leanúint de bheart a chur i bhfeidhm de mhaolú ar Airteagal 168 de Threoir 2006/112/CE maidir leis an gcomhchóras cánach breisluacha (IO L 360, 11.10.2021, lch. 120).

- (3) Tá Cinneadh Cur Chun Feidhme 2009/1013/AE le dul in éag an 31 Nollaig 2024.
- (4) Le litir a chláraigh an Coimisiún an 20 Márta 2024, d'iarr an Ostair údarú chun leanúint den bheart speisialta a chur i bhfeidhm. Bhí tuarascáil maidir le cur i bhfeidhm an bhirt speisialta ag gabháil leis an iarraidh sin, lena n-áirítear athbhreithniú ar an ráta cionroinnte a chuirtear i bhfeidhm maidir leis an gceart CBL a asbhaint mar a cheanglaítear le hAirteagal 2 de Chinneadh Cur Chun Feidhme 2009/1013/AE.
- (5) I gcomhréir le hAirteagal 395(2), an dara fomhír, de Threoir 2006/112/CE, tharchuir an Coimisiún an iarraidh a rinne an Ostair chuig na Ballstáit eile le litir dar dáta an 16 Bealtaine 2024. Le litir dar dáta an 17 Bealtaine 2024, thug an Coimisiún fógra don Ostair go raibh an fhaisnéis uile aige a raibh gá léi chun breithmheas a dhéanamh ar an iarraidh.
- (6) Dar leis an Ostair, tá léirithe go bhfuil an beart speisialta an-éifeachtach chun bailiú CBL a shimpliú agus chun imghabháil cánach agus seachaint cánach a chosc. Leis an mbeart speisialta, laghdaítear na hualaí riaracháin ar ghnólachtaí agus ar údaráis fhioscacha, ós rud é nach bhfuil aon ghá le faireachán a dhéanamh ar úsáid na n-earraí agus na seirbhísí ina dhiaidh sin a raibh feidhm ag an eisiámh ón asbhaint maidir leo tráth a n-éadála. Agus an tionchar dearfach ar ghnólachtaí agus ar an riarachán cánach araon á chur san áireamh, measann an Coimisiún gurb iomchuí síneadh a chur leis an mbeart speisialta. Dá bhrí sin, ba cheart an Ostair a údarú leanúint den bheart speisialta a chur i bhfeidhm go dtí an 31 Nollaig 2027.

- (7) De réir na tuarascála a chuir an Ostair isteach, tá an t-íosráta cionroinnte 10 % d'úsáid ghnó na n-earraí agus na seirbhísí is gá chun go bhféadfar CBL ar ionchur a asbhaint íseal go leor chun nach mbeidh aon tionchar suntasach aige ar an méid iomlán CBL a bhailítear go hiarbhír ag céim an tomhaltais deiridh.
- (8) Ba cheart an beart speisialta a theorannú don am is gá chun meastóireacht a dhéanamh ar a éifeachtacht agus ar oiriúnacht an ráta cionroinnte a chuirtear i bhfeidhm ar an gceart CBL a asbhaint.
- (9) Tá an beart speisialta i gcomhréir leis na cuspóirí atá á saothrú, is é sin an nós imeachta maidir le bailiú CBL a shimpliú agus cineálacha áirithe imghabhála cánach nó seachanta cánach a chosc, ós rud é go bhfuil sé teoranta ó thaobh ama agus raon feidhme de.
- (10) I gcás ina measfaidh an Ostair go mbeidh gá le síneadh leis an mbeart speisialta tar éis 2027, ba cheart di iarraidh ar shíneadh a chur faoi bhráid an Choimisiúin faoin 31 Márta 2027. Ba cheart tuarascáil maidir le cur i bhfeidhm an bhirt speisialta a bheith ag gabháil léi, lena n-áirítear athbhreithniú ar an ráta cionroinnte arna chur i bhfeidhm.
- (11) Ní bheidh aon drochthionchar ag an mbeart speisialta ar acmhainní dílse an Aontais a fhabhraíonn ó CBL.
- (12) Ba cheart, dá bhrí sin, Cinneadh Cur Chun Feidhme 2009/1013/AE a leasú dá réir sin,

TAR ÉIS AN CINNEADH SEO A GHLACADH:

Airteagal 1

Cuirtear an méid seo a leanas in ionad Airteagal 2 de Chinneadh Cur Chun Feidhme 2009/1013/AE:

'Airteagal 2

Rachaidh an Cinneadh seo in éag an 31 Nollaig 2027.

Déanfar aon iarraidh ar shíneadh a chur leis an mbeart speisialta dá bhforáiltear sa Chinneadh seo a chur faoi bhráid an Choimisiúin faoin 31 Márta 2027.

Beidh tuarascáil ar chur i bhfeidhm an bhirt speisialta dá bhforáiltear sa Chinneadh seo ag gabháil leis an iarraidh dá dtagraítear sa dara mír, lena n-áirítear athbhreithniú ar an ráta cionroinnte arna chur i bhfeidhm ar an gceart CBL a asbhaint ar bhonn an Chinnidh seo.'

Airteagal 2

Gabhfaidh éifeacht leis an gCinneadh seo an dáta a thabharfar fógra faoi.

Airteagal 3

Dírítear an Cinneadh seo chuig Poblacht na hOstaire.

Arna dhéanamh in/sa ..., ...

*Thar ceann na Comhairle
An tUachtarán*
